

錢唐縣志序

邑有志猶國有史徵往憲來于是乎在夏殷聖人之後文獻不足尼父喟然而歎志胡可已微志不徵不徵不信而錢唐號天下名邑山水韶秀人物魁傑列郡無敢望四王六帝之都二千餘年未有載乘眞缺典也聶侯純中蒞錢唐五年邑大治秋七月乃慨然就不佞輩謀焉不佞亨逡巡避席曰盛哉盛哉一邑之鑑千古之權乎顧所以爲此甚難古之良史論世綜變積有歲年銳然舉之晷月而已則時難舊事游覽備略郡志畫方慎辨肇自今茲尺寸緇素俾無奪

錢塘縣志黃序

一

倫則創難山川土田較然列眉往哲既定無畏多口惟是潛隱不耀耳目未共而逐影噉名之流俯慙一室仰慕千秋經非魯麟筆非董狐則直難此三難者愚人之所驚也而賢者之所避也腋一狐以爲裘張一目而綱羅千載能乎哉聶侯奮袂而起曰心湯愚之人也寡賢者識然而事有本始椎輪大輅圖難于易是在方略曷避焉歲年不足請兼日并夜而攻之創畫惟艱請比類分戶臚列而參之山水遡其初沿革存乎代賢豪傑起出如褚子處若林逋誰得而問諸乃可上可下臧否否臧請證輿論而統一之疑則

闕之寧不足令可加無有餘而濫也知我罪我湯也  
任之則何如于是闔書院徵三五文學茂才事各爲  
目人伸所長博采諸羣籍實訪于諸老援義起例釐  
爲十紀時不佞方病瘧稱水量藥不獲從諸文學簪  
筆効拙目而侯之志已告成矣病間屬爲序不佞亨  
乃作而歎曰盛哉易若斯乎賢者固不可測夫遷固  
稱古良史然遷本左氏國語采世本戰國策搜貫經  
史世龍門之業班椽抽蘭臺之祕雍容筆札亦多摹  
倣史記稍爲增損歷時結撰匪朝伊夕而聶侯處劇  
邑當塵軌之衝焦心于水旱駢指于簿書昔之才者

錢塘縣志黃序

二

揮五弦送飛鴻猶謙讓未遑日亦不瞻而侯乃舉二  
千餘年之缺典四月而成之草創比于裨謔摛采擬  
于司馬而取義闕疑尊乎麟史斯不亦治聲卓魯而  
詞爛游夏者乎端木生有言見其禮而知其政覽是  
志也政可知已萬厯己酉仲冬朔儀曹郎邑人黃汝  
亨撰并書

錢塘縣志敘

古方國皆有史史亦世其官天子歲遣行人采之觀治辨謠俗而羣后述職又輒以其建置廢革貢諸天子太宰弊其得失而殿最焉其列在內外史概可覆而按也雖周之季如南宮适之徒猶得百十二寶書而志之楚左史相能讀墳典邱索而子革且將敖其所不識文獻之徵蓋其難已吾浙星野爲斗女之分方域隸揚州之內厥土塗泥厥賦下上錯瑤琨篠簜齒革羽毛惟木虞夏之文已能志之而漢以來物產人文幾與上國埒迺錢唐之名最著而我國家更置

錢塘縣志陳序

三

郡邑列於省會披輿圖爲千百城冠其山川瓌麗舟車輻輳甲于天下而聲名文物英賢照映殊尤絕跡足爲百世徵者豈宜無紀考浙之志成于嘉靖之辛酉杭之志成于萬厯之戊寅而志錢唐者寥寥二百餘年其闕汶弗彰之謂何設令天子修外史之職詢掌故于方國其敢以不敏應歲之作噩邑令聶侯庭空政成輒喟然曰豈不穀是爲而乘載不備故實無稽胡以法前修而憲將來也于是網羅軼文旁采聽睹而甄敘論列悉自躬裁爲紀者凡十曰疆域曰勝覽曰制度曰都邑曰官職曰士品曰遺獻曰文章而

仙釋方技齊諧稗說亦略具焉夫分疆隄土稽度攷  
憲非精核弗勝也屬辭比事詮奇表異非博綜弗勝  
也而袞鉞片言彰瘡百世又非持大公而秉直道弗  
與也由茲以譚其非迂遠腆鮮之務可知而寥寥二  
百餘年者胡以也矧今之述邑媿者又異甚曰洪濤  
噏縮兩海一經高峰際天旁魄緯星不然則縻絲織  
文竹箭南金袷服切雲目眩心驚又其大者詩書禮  
樂闐闐而是衣履冠帶衡紉旒纓此皆所以志乎而  
非也當草昧初余不具論如成弘之際休養教化官  
不識民民不識吏幾于睢睢盱盱之風而今然乎哉

錢塘縣志陳序

四

法令滋章媮靡日甚一唱百和走利如驚士之不馴  
而競也民之朴而讐也重以水旱不時之灾征輸  
無藝之擾當事者蓋有隱憂焉吾意侯之爲是志也  
其上諸金匱石室無廢外史氏之職幸甚無亦惟是  
上計之日報諸天子如古述職故事或其垂念東南  
士風民力而稍加之意乎自今日往按圖指掌曷興  
曷廢某善某良較若列眉覲若畫一則與侯代興者  
夫豈無賴焉我國家無疆歷服幅員萬里而錢唐得  
臚于督亢畿輔間其二百餘年之文獻忽曜閭汶于  
光明則昔人所稱爲不朽計者端在是矣余奉命按

籍留都而道故里適侯議築南湖貽邑永利有味乎  
遠慮勇斷二語足爲循良蒼蔡且樂觀斯志之成也  
遂不辭侯之請而僭敘其端萬厯己酉冬孟吉旦仁  
和陳禹謨撰

錢塘縣志陳序

五

錢塘縣志序

錢塘名邑始見嬴史蓋源三池委三漸其義坦然泉途去繇烏目龍巖蜿蜒而來楊髻千官石次吳越以受龍冊而翔鳳林苞文鸞舞斂翮鳳山五寺之基爰奠宋鼎衍鳳厓于斯焉時爲四王七帝之都然卒無有擬三輔黃圖者其蹟僅散見二十家志郡而及斯邑者潛公說友之外又四三家獨周氏舊事孫氏文獻田氏遊覽偏紀其槩而已是名邑二千餘年未始有專志也新淦聶侯視邑五載聲績凌出向志所紀黃葉鄜余諸令上僉謂侯大興水利宜成河渠書顧

錢塘縣志虞序

六

嫌于伐不果成出製錦緒工成斯專志罷諸家之製焉雖時取周潛夫田學使陳方伯諸書徵文學掌故輯比其議乃自用奧窈窕中物猶家之督手籍生產蓋藏禾幾阡食幾指矣宰之神明棣通明聖通其所降之神生而肖侯譽之匪僻復通其所主之神治而肖侯頌之匪諂政爾何煩外咨耶語以其謙亦或綴景陽之尺寸乞彭澤之一絲兩絲于纓綉裋褐緇黃者流至積緝爲升積升爲緘積緘爲紀紀至于九恍趙繡列國之圖則咸出自機杼曾不使一人學吾製矣二千餘年錦城宛然重見五代衣樹之色焜燿

玄黃萬象一新娘娘乎綦盛矣哉當此之時交稱左馬桑鄴良史罕儔而淳熙妄以虞初齊諧攘臂其間天銖竺瓊續成十紀譬之九章鶉裔五色無當宣尼所以惡紫也懸諸國門有請損之者夫一統志自文莊大儒寶慶重慶柳州惠州人物仙釋等而楚雄黎州有仙釋無人物不嫌也谷傳萬籟湖涵萬星搏之皆空示民毋搏空意不在萬安用損且龍門令不乃有滑稽傳乎是故侯採蠕支列堞之文魚膏不加浣焉第以四王七帝之畿甸偏安逸豫樹標民服至今染於夢華興翟之悲如其筮損則損文而質損奢而

錢塘縣志虞序

七

儉將明光素錦侯建之標眾安往耶聖天子包六合軼百王罷採金之使塞烏目之竇偏安者土入逸豫者意消清明在躬神降申甫安知無忠肅其人損之又損爲齊民率於是永奠皇輿金甌無缺一統之志成于一邑斯又惟侯之初製助其經綸者矣故虬龍鳳凰施繪旂常循兩乳而至目命之曰明光太微浮玉之素所由返也茲乘其猶四馬然負之而趨哉萬曆三十七年十月吉旦邑人虞淳熙撰

錢塘縣志敘

豫章聶純中先生初試爲令來蒞錢塘蠲苛澍膏德理敷鬯爲之五年而民安士附心歌腹詠有神鸞奏雅之化焉頃以其暇探藉乘蒐祕佚發凡證例汰冗酌宜徵之文獻爲縣志旣成以示承學鯨因祇肅披讀而起曰懿鑠哉公之爲茲舉也蓋志之不可無者三而有則眾媿備焉禹貢揚州之分野武林屬吳而錢塘之名實自秦始新室改爲泉亭東漢仍復其舊人國朝辨疆正域始析邑而九則錢塘昔爲統稱今爲專設而著名最古非他邑比則志之不可無者一

錢塘縣志虞序

八

也方輿所載枚乘七發所稱漸江秋濤及兩峰三竺明聖六橋諸勝不減方壺閬風探幽訪奇之屐無日無之而皆屬之錢塘則志之不可無者二也地在東南原爲海門潮汐之衝不宜於封建而龍飛鳳舞夙以錢塘爲讖迺武肅之創起南宋之徧安後先數百年爲帝王冠履之基良非偶然按圖攷跡取符譜牒豈特若風土記者舊傳之僅侈覩聞者哉則志之不可無者三也第振古逮今未有注念及此者而千載曠典待公肇新如長庚之初旦亦奇矣然愚知公之非徒揚詡爲也先生量地制邑申畫郊圻書稱庶土



交正謂墟壤經緯燦然可紀周禮九職九兩六聯八成之法廣及園圃藪牧大爲師儒賓客細至貨販閒民並埒爲宰治宏規而邑令比諸子男爲親民之要視百里內如髮膚枝節癢疴相應布德同風起化因俗眡疵察微燭照黍計則邑之有志正振裘持領舉綱收網羅川原民社於指掌而鑒沿革善敗於書紳者也顧可闕歟今觀其紀疆則墉壑畝藉登耗廢興之總括也紀制則琴堂花署叢宇琳宮之臚列也紀勝則神囂仙的翠巘丹瀛之鱗次也紀都則祖社朝市龍旋虎變之臨馭也紀官則玄鬢巷歌黃髮擊壤

錢塘縣志吳序

九

之芳躅也以至忠貞義俠金石不雕白閣青雲芳華並掇賦奏兔園之鳳律文呈玄圃之夜光遂復採逸禮於殘竹聽遺詩於達路而祆經怪牘漆書竹簡名山一家之言無不綴焉猗歟盛哉鑄古彙今以述爲創詳而不繁簡而有體可以志矣公雲騫景煥功用方興錢塘首被撫摩而令緒豐功此爲冠冕正爲班匠施功夔襄準法音節旣諧地靈若闢其有補於貢俗經野之治信非淺也承學不敏獲弦誦於圖籍山水之中以頌敷休美樂觀盛事又一奇邁矣是爲敘萬厯己酉冬仲朔邑子渤海吳之鯨頓首撰

錢塘縣志自敘

令聶心湯曰不佞蒞錢塘五年覽勝湖山攷創繼所  
繇來緬懷昔賢濬水溉田致芟菱穀米水泉之用世  
世功德於民者直與錢塘相終始其代則唐宋皇明  
其人則李鄴侯白文公錢武肅蘇文忠楊郡伯詢之  
掌故則缺焉而未志謀之老成則諱焉而不任核之  
見聞則繁焉而無當徵之載籍則略焉而不備卽有  
巖處奇士偏部短紀隨時間作著其細而遺其大得  
乎此而失乎彼于是取郡志西湖志而損益之撮其  
大旨去其繁重其未有者及事詞散出難于綴屬者

錢塘縣志吳序

十

必問遺訓咨故實以次講求增補焉有徵可信因義  
起例釐爲十紀考城郭阡陌賦役食貨吾得紀疆考  
湖山泉源形勢繹絡吾得紀勝考祠寺宮觀倉舍吾  
得紀制考建茅胙土墟社革鼎吾得紀都考良令幕  
佐師儒吾得紀官考辟舉科貢封錫吾得紀士考鴻  
碩名賢淑懿高行吾得紀獻考灾祥風俗吾得紀事  
考古今藝林著述吾得紀文而僊釋方伎與異事叢  
談寰中物外之奇則以外紀附見亦旣彬彬乎博收  
約取自相錯綜明纂述之事矣語曰千金之裘非一  
狐之腋也豈不然哉刻旣成有問於余者曰志者史

之流也合散一殊巨臚細列人詳物叢探索必覈循名責實發爲藻華義經道緯此可以觀才識存往詔來媿惡備舉據其可知有疑必闕總微說約勸一懲百其文則史其義則經此可以備法戒維風莫大於敦俗敦俗莫先於著教比事連類託物寓警俾閱是編者察吏治所以良窳財賦所以盈縮人才所以虛實戶口所以登耗風氣所以醕侈于以蚤見力挽酌弛張而分輕重此可以宣風教不佞瞿然謝曰夫若是者余則安能余則安能惟是雍洽之世人文輩出聖皇在宥道術宣朗而錢唐以首藩名邑志乘缺如

錢塘縣志自序

十一

心湯適承乏茲土不爲網羅論載廢簡編之遺文心湯則懼矣是舉也不過經省眾說斷以己意使缺者舉之諱者明之繁者約之略者詳之取其足以備觀覽志遺忘而已若夫辨疆程土稽俗慎封求其源委時其浚治防其侈佚使井邑生聚富庶百年一日以俟後之君子紹明前烈焉萬曆三十七年仲冬之朔

凡例

錢塘令聶心湯曰錢塘自嬴秦迄今二千餘年未有志卽郡志西湖志皆非耑紀亦頗浩繁茲稍刪補略備典故他時太史授簡或可供驅除之役云

邑與仁和共附會城而治如城壕公署之類在邑疆者不敢不紀在疆內而不專蒞本邑者僅紀其概明非所得專也

錢塘山水之勝天下稔聞故倣水經例詳紀之以當卧游

錢氏四王宋七帝建都此邑事詳國史故倣吳都三

錢塘縣志凡例

一

輔諸編略紀名氏古蹟而已

仁錢錯壤其間先喆或生于斯而舉于彼或第宅在彼而邱隴在此舊志臚列亦未盡明至于品目猶難懸斷爰采眾論稍爲銓次大都仍舊什九增新什一疑者闕之以俟公論之定

名賢詩文分見各紀以便觀覽有文備數義難定一門者別爲一紀大都詳今略古以古者經見而今者未傳也至于寄贈題詠無關邑事者槩不敢錄又或鄴架偶遺郵筒後至者亦不及錄

外紀五篇多出虞司動手亥搜博採可補前志之闕

事取核故簡文取實故質人取典刑故寧不輕紀紀  
取一邑故不旁收他邑

往志皆屬本鄉先達先達多賢豈至阿所好第謙讓  
弗任恐成築舍故不佞竊取其義草創成編儻以狂  
瞽爲罪不佞何辭

是役也爲紀者十爲目者四十有九權輿於己酉歲  
重五日告成於重九日裁定則有虞司勳淳熙黃儀  
部汝亨洪給諫瞻祖葛儀部寅亮就正則有林憲副  
梓金中丞學曾侍御陳禹謨秦懋義楊廷筠姚太僕  
文蔚查大參允元張憲副振先莫憲副睿張憲副鳴

錢塘縣志凡例

二

鶚錢考功養廉黃職方克謙湯郡丞煥凌太守登名  
孝廉吳之鯨張蔚然沈守正校次則有閩人徐燭邑  
諸生鄭之惠陳雲渠萬廉甫聞啟祥張元徵朱萬祚  
馮調元徐懋升曹令儀許夢雷至如山人邵重生僧  
雲棲株宏昭慶傅如南屏大壑攷古選勝與有勞焉  
法得並書

錢塘縣志目

紀疆

沿革

城壕

里陌

河梁

田賦

物產

紀勝

山水<sub>一</sub>

山水<sub>二</sub>

山水<sub>三</sub>

紀制

公署<sub>一</sub>

公署<sub>二</sub>

公署<sub>三</sub>

署餘

壇

廟

祠

墓

寺觀

紀都

錢塘縣志目錄

一

吳越

南宋

紀官

官制

令

丞

簿

尉

師儒

名宦傳

紀士

辟舉

進士

鄉舉

貢士

武試

楷書

封贈

恩廕

紀獻

先喆

寓賢

列女

紀事

灾祥 風俗

紀文

賦 詩 記 雜文

外紀

紀釋 紀僊 紀藝 紀異 紀譚

錢塘縣志目錄


二



錢塘縣志圖

錢塘縣疆圖






錢塘縣志圖

二





錢塘縣志圖

光緒癸巳冬月刊  
成仁和羅榘校字  
嘉興朱文懋續圖

錢塘縣志

令金川聶心湯純中甫纂修

紀疆

敘曰秦并天下初畫疆置郡縣以山川名勝甲吳越間西南皆湖山東北多土田至錢武肅分置錢江而錢塘之腴割矣名不殊古而實不盡如古治川原沃衍物產殷充亦不盡如古所稱然閭閻繡錯雞犬相聞撫之則腴腴之則瘠保障繭絲顧其人謂何耳紀沿革紀城壕紀里陌紀河梁紀田賦紀物產凡六篇曰紀疆

錢塘縣志 紀疆

一

沿革

錢塘縣天文斗分野漢郡國志起斗十一度至婺女七度日星紀之次吳越分

也 其日丁其辰丑其星火其神衡山熒惑位焉夏

古為荒服地禹貢隸揚州會稽郡禹巡會稽至此

舍航登陸故以杭名州少康封庶子無餘於會稽

主禹祀國號於越因名禹杭俗訛為杭 周季吳越搆

兵狎隸其地顯王時楚威王殺越無疆盡取故吳

地至浙江乃隸楚秦始皇二十五年滅楚次罷封

建置郡縣分天下為三十六郡以吳越地置會稽

郡領縣二十四在杭者四錢唐其一也縣名錢唐

自秦昉也

或曰郡議曹華信作唐捍海募人致土石一斛與錢一千來者雲集因不復用

皆棄去而唐成故名或曰近湖有錢塘門故名或曰唐途也錢古錢姓或秦漢間有錢姓居此為唐故名皆無實據惟淳祐臨安

新莽更名泉亭東漢

建武初復故名六年省錢唐光和二

年封朱雋錢唐侯地屬封內晉平吳分錢唐屬吳郡陳禎明元

年置錢唐郡隋文帝平陳廢郡置杭州廢新城海

鹽入錢唐縣隸杭州錢唐隸杭則自隋大業昉也

三年改杭州為餘杭郡錢唐隸餘杭唐武德四年

復改杭州錢唐隸杭州諱國號易唐為塘縣名錢

塘則自唐武德昉也七年省鹽官入錢塘附州為

錢塘縣志

紀疆

一一

治五代梁龍德二年錢氏割其半置錢江縣為錢

塘如故隸吳越國都宋太平興國時吳越納土改

錢江為仁和南渡建炎三年陞杭州為臨安府錢

塘隸臨安元復杭州尋改為路領縣如故國朝改

路為府錢塘居所領九縣之一杭定為府錢塘夷

八縣而治附府則國朝昉也

論曰錢塘有沿革而無沿革沿革附省郡志然自

秦皇時郡未有杭省未有浙而縣有錢塘是郡省

即錢塘為沿革錢塘非附郡省也割裂勢分隸屬

時異爰采邑名邑隸邑疆所自昉而志沿革云

城壕

錢塘與仁和共附省城隋楊素剏築州城周三十  
六里九十步唐吳越國王錢鏐增築羅城七十里

自秦望山由夾城東亘江干泊錢湖霍山范浦凡  
十門曰朝天曰龍山曰竹車曰新門曰南土曰北

土曰鹽橋曰西關  
曰北關曰寶德宋高宗增築內城及東南外城

附於舊城門十三東曰便門曰候潮曰保安曰新

清波曰豐豫曰錢塘南曰嘉會北曰餘杭  
水門五曰保安曰南曰北曰天宗曰餘杭元張士

誠復築周六千四百丈有奇高三丈厚視高加一

丈而殺其上東自艮山候潮拓三里而絡市河於  
內南自候潮迤西縮二里而截鳳山

於外明興洪武二十六年曹國公取杭州因元故城

錢塘縣志 紀疆

為省城周減六之一門省為十東城五門曰候潮

有水門曰永昌舊名新門  
俗呼草橋曰清泰舊名崇新俗呼  
螺螄以上內屬

錢塘外曰慶春  
俗呼菜市有水門弘治年塞萬麻  
二十二年督撫

常居敬郡丞  
涂文奎復開曰艮山有水門俗呼壩子以上  
內屬仁和西城

三門曰清波曰湧金舊名豐豫  
內外俱屬錢塘曰錢塘舊有  
錢湖

門今塞內屬仁  
和外屬錢塘南城一門曰鳳山有水門舊名正  
陽俗亦

呼正陽又有清平門今  
內屬錢塘外屬仁和北城一門曰武林有水門

舊名餘杭俗呼北關又有天宗門俗  
呼小北門今塞內屬仁和每門二樓湧

金無月城樓樓凡十又九守廨二武林倍之廨凡  
二十又二水門樓二為武林為艮山雉堞九千八

百三十三堵臺五十座警鋪一百七十又一脩葺之役亦兩縣共之其屬錢塘者曰清波候潮永昌清泰鳳山成化十一年左布政使甯良議錢塘門左湧金門右開水門導湖水入城嘉靖三十三年巡撫李天寵清鳳山清波馬路之侵沒者三十四年倭將犯杭提學副使阮鶚增高錢塘門月城堞督撫胡宗憲於北關外築東西敵樓上有堞下爲門二十清波城南上築帶湖樓東南築定南樓鳳山城西上築襟江樓三十五年巡撫阮鶚於白塔嶺兵馬司銀杏樹月塘寺築敵樓三十六年東新

關沈唐灣沈婆橋陸家橋各築敵樓湧金錢塘二門中舊有磴道便守城者盜賊夜劫亦由此上下隆慶五年督撫鄔璉於城西築嚴警樓分營兵直宿萬厓二年督撫謝鵬舉令夷毀磴道三十一年督撫尹應元右布政范涑縣令朱光祚議大修城明年心湯至復請增工覈實期無竄隋凡二年竣役堞堵樓鋪煥然一新三十六年大水入城城有未經修者復圯心湯復請增修并請雲居要害處增直宿兵以杜盜賊出入之徑

壕南邇浙江西卽以湖水爲險茫茫天塹居然巨

防其東起永昌壩並清泰至慶春門止中廣二十餘丈長一千丈九尺自慶春門歷艮山廣三十餘丈迤北至武林錢塘門止長二千六百二十三丈二尺嘉靖三十五年武林錢塘二門外各浚壕甃閘上構弔橋環城皆有深池是年四月霖雨湖水泛溢錢塘門北城衝圯三十餘丈乃塞壕併毀橋閘後有勢家築埂植荷以爲利者三十六年心湯悉剗毀上其事永禁不得與人佃且一切隸有司他署不得冒干勒石道左記其事

論曰古者都城不過百雉杭幾萬雉矣雄跨水陸

險峙金湯築鑿高深屹焉可守然食指千萬北貸粟監河而南給薪江滸且俗驚奢侈民鮮蓋藏倘闔其十扉卽智者無從借箸此非獨一邑虞也樽節愛養講賈生積貯之策則公侯所以干城有任其責者矣

里陌

錢塘縣凡一百六十里在城者為坊十有一曰太

平一里保安三里芝松二里松盛二里斯如三里南壁二里南良

里三里北良二里馨如一里豐寧一里西壁一里附郭者為隅七

曰城南上隅五里下隅三里柵外三里城西二里尉司上扇

里四里城北二里尉司下扇五里在鄉者為都九曰調露上分

十里下里靈芝三里都八里四里都五里五里孝女女南管五里崇

化七分都七里八分都九里上里欽賢上分履泰七里安吉

里八里長壽六里定山定南十里東西相距四十五里南

北相距一百四十里東至清泰永昌二門抵城而

錢塘縣志 紀疆

止西至餘杭縣長橋界四十五里南至富陽縣廟

山界七十里北至湖州府德清縣導教鋪界七十

里東南至蕭山縣西興界二十八里西南至富陽

縣分金嶺界六十五里東北至仁和縣義和坊四

里西北至餘杭西溪界四十里

在城諸里自武林門入大街義和坊東至橫街即肅

義坊街其南為鐵線巷普安北巷柴木巷忠孝巷茅

卽巷南班巷雙井巷安福巷其北仁和界自壽安坊

俗呼官巷口而西至井亭橋其南為二僊巷神堂巷八

僊巷臘作巷百子圖巷今塞為巡警鋪成娘娘巷其北仁和界



入鳳山門沿吳山而北過鎮海樓折西又北至

清河坊西文錦坊羲和壽安坊大街其東為錦雲

橋街通候潮門醋庫巷安和橋街通候潮門集義巷裕民坊

磁團巷保信巷清平坊興禮街與西清河坊對灌肺巷通

和坊進金波橋普濟巷保佑坊五門樓巷今塞東文錦坊

即洋壩頭平安小街安平巷今塞永清坊俗呼水巷日新巷西

為清平山巷壽域巷即白馬廟巷太廟巷保民坊舊西天寺

今為南院忠節坊長慶坊俗呼烏龜巷吳山坊內有大井為吳山第一泉

清河坊融和巷俗呼高銀巷太平坊巾子巷今塞中瓦巷

俗呼道院巷甘澤坊西文錦坊即洋壩頭修義巷俗呼肉市巷富

錢塘縣志 紀疆

七

樂坊最樂坊教睦坊積善坊秀義坊北即壽安坊入

候潮門而北至上下馬坡街接仁和界其東為水

門巷烏盆場巷楊店巷東花園巷昇僊巷慈雲寺

巷孔雀園巷今塞茱梨園巷今塞西為大營巷鄭公巷

即顧馬兒巷官井巷談郎步巷集義巷即施官兒巷撫甯巷

獅子巷高麵巷姚園寺巷大德街今塞金剛寺巷暮

園巷橫街舊寨口巷 入永昌門而西至望僊橋

其南為上馬坡街小竹竿巷總甯巷牛羊司巷袁

酒巷北為下馬坡街什物庫巷今塞百花池上巷俗呼

板兒巷安和巷馬院巷通斷河頭 入清泰門而西至清

泰橋轉南而西出東文錦坊口其南爲安肅坊崇

新坊南場巷春熙巷九曲巷豐和小巷佑聖觀巷

通武林驛打羊巷今呼義井巷林木梳巷甯海巷長慶巷呼俗

嚴馬官巷安平巷集慶巷鐵線上巷賢福巷北爲同德

坊石板巷北場巷熙春巷雙茶坊巷今名小學巷豐禾

巷宋有豐禾倉高橋巷忠孝坊柴木普甯巷普福巷鐵

線下巷入湧金門而東過三橋至西文錦坊口

其南爲轉運河橋俗名渡子永仁橋巷今塞臺後橋

巷宋御史臺今織染局木龍橋巷南通華光廟布政司墻街後市街即清

北望街北爲友助巷今名曹花園巷何胡子巷今名紙陳巷焦雞

錢塘縣志 紀疆

八

巷今名妙心寺巷六房巷今名張巷神堂巷張司馬巷新開

路平安巷今塞石榴園巷今名灰團巷瓜齋巷大瓦巷沈公

井巷入清波門沿吳山而東至龍舌嘴口其南

爲嚴官兒巷蔡官兒巷陸官兒巷塔兒頭街菜市

頭巷今塞鐵冶嶺街郭婆井巷金剛嶺巷羅師山巷

聯桂坊羅師巷北爲四條巷石板巷即水溝巷關王廟

巷今塞昇平巷即道院巷自清河坊而西至府治流福

坊口其南爲八作司巷古康裕巷大隱坊宋徽宗朝處士徐爽居此

小僊巷安榮坊俗呼管米巷懷慶巷即龍舌嘴昇平巷石板

巷安阜坊府治西北爲南新街即肅愍于公里清望街今後街

德化坊舊仁塞今十三灣巷東中西巷泰和坊俗呼華光廟巷

興賢坊文廟街南荷花池街府治西自興禮坊而東至

舊達達城上路其南為沙毘巷布市巷百歲坊夾

墻巷北為熙春橋巷清泠橋巷鍾公橋街佑聖觀

街自井亭橋而南河下其東為幢子巷施水橋

街桐木巷軍將橋街上有華光廟街東舊有徐府今為旗纛廟侍郎橋

街今塞西為欽善坊舊呼子巷方家巷今呼馬家巷畏吾寺

前街油車巷俗呼剪刀巷運司河下自北而南至

閘兒頭文明牌今興賢坊其東為福甯橋街又名育才坊西

為桑園巷今入運司

錢塘縣志 紀疆

九

附郭諸里出武林門外抵北新關橋其東為永清

巷通陸家場清湖閘巷上關門巷下關門巷枯樹灣巷

通石壩灰壩夾城巷通東橋新左家橋巷通黑橋寶慶巷通新馬頭倉基

西為霍山坊又名松茅場米市巷通新河壩餘唐巷通望

佛橋大夫坊巷通接寺待草營巷通觀音關信義巷通餘塘賈家

巷以上東屬仁錢塘嘉會門南抵排柵門街即沿江裏街

其東為清淨巷對山壇船料巷槐花巷西為馬倉巷

馬苑巷排柵門南抵浙江驛其東為普甯巷道

林巷大巷通化仙塘混堂巷小橋街西為江公墓巷

上南松林鴻鴈池街車馬門巷玉簪巷末香巷湯公巷

通天真書院 鍾公巷擔水巷 松街西 出候潮門大街

為鐵箭巷顏樓巷 為仁錢交界 東過濟川橋南樓兵馬

司直西官河一帶跨浦橋分路其東為大郎巷麻

秋巷 俱通沙路 跨浦橋街猪團街兵馬司街為鯨團街

為龍舌嘴 跨浦橋街為仁錢交界其北屬仁和南屬錢塘出永昌門東南為映江樓俗呼

銀杏樹為仁和縣界

鄉都諸里凡五區四百二十六圩 西南區為新

河圩淡田圩張家圩報先圩沈家圩 履泰二圖 姚家圩

孩兒圩孫家圩潘家圩草田圩 履泰三圖合一圖

圖尉司下扇三圖之零田 燈油圩金家圩魚婆圩

錢塘縣志 紀疆

圓覺圩姚家圩上還圩下還圩李家圩蔣公圩張

家圩包家圩 履泰四圖 董家圩 履泰五圖 合斯如三圖

圖之零田通十一 駱家圩筆管圩三百畝圩張婆

圩可安圩小陳圩丁家圩董家圩 履泰六圖 靈隱圩龍

舌圩道人圩黃家圩資國圩 履泰七圖 關家圩和尚圩

尉司下扇二圖合斯如二圖南良一人掌之在長壽三

圖者其田並圍山在四圖五圖者其田並大溪在

安吉之一田並者其田並山浦在二圖者其田並山

巖在三圖四圖五圖六圖七圖八圖定南之二圖

掌之在定北之一圖並江浦無圩塘耆老一鄉在三圖

在定南之一圖者其田並江官河無圩塘在三圖

五圖六圖七圖者其田並江官河無圩塘合城南上

隅四圖之山地五圖柵外一圖二  
西北區為盛

家石頭圩羅家圩下沈塘圩謝家圩女北圖為吳沙

聞圩二圖為涇港圩羊後圩三圖為長大墻後圩湖東

西圩前後村圩角豆圩四圖合城南上隅一圖下

尉司上扇二圖太平坊城南上隅二圖三圖下隅  
一圖二圖尉司上扇一圖之地及零田通十一圩

耆老一人掌之 烏麻圩史家圩百石圩黃村圩西杜城圩

女南圖 為上墟上圩上墟下圩上墟東圩上墟北圩

杜城圩二圖上墟南圩凌林東圩凌林圩凌林上圩

上墟圩洋山下圩凌林南圩三圖上墟圩上墟東圩

凌林圩凌林中圩凌林南圩洋山上圩洋山下圩

錢塘縣志 紀疆

洋山東圩洋山西圩洋山中圩洋山南圩洋山北

圩洋山後圩四圖山前後圩角頭圩洋上圩洋山後

圩五圖合靈芝五都四圖之新港圩太塘圩西獨

前圩廟前圩廟後圩西吳百石圩五圖之廟西圩廟

圩姚家圩稻穩獨壩圩通 何家圩楊橋圩化灣圩

篠山圩塘下圩安豐圩後畝圩任家圩石頭圩崇化

七都圖 下泉圩垂湖沿山圩栗塘圩徐家圩小沈圩

二圖 沿山俞村圩東沈圩西沈圩三圖茅山北圩柘塘

圩赤山圩涇南圩石敦圩南塘圩小安豐圩新畝

圩四圖茅山外圩吳村圩王家圩五圖陸村圩六圖姚家

圩田村圩劉凌圩李村圩七圖通三十四圩獨孤

圩長秋圩馮村圩曹家圩大畝圩謝湖圩崇化八圖

蔣沈圩姚村圩湯湖圩石塔圩蔡村圩二圖為官蕩

圩姚村圩許家圩三圖黃添圩外黃圩小黃圩九圖

七圩耆老一人掌之倪家圩三淡圩滕村圩稍瓜圩崇化八圖

官蕩圩北茹圩五圖錢婆圩韓圩王家圩六圖茹村圩

七圖李墓圩黃添圩八圖通十一圩貝村小圩貝家

圩高村圩聞村圩聞村小圩北茹村崇化八圖高村

圩高村外圩西巖圩五石圩五石外圩十一圖東白

洋圩貝家圩十二圖太平圩姚村圩十三圖小壩圩新

錢塘縣志 紀疆

壩圩十四圖葉徐圩盛家圩上湖圩下湖圩十五圖

三都四圖之褚壩圩八畝圩六圖之徐家圩塘外

六圩耆老一人掌之東北區為北峰圩前陳圩新楊圩新

楊外圩河北圩范陳圩范陳外圩靈芝三圖北洋圩

胡旺圩靈峰圩視林圩西舍圩三圖王村圩新壩圩

東塍圩埂東圩埂西圩大黃墩圩小黃墩圩四都一圖

西白洋圩荀山上圩荀山下圩下壩圩吳公圩二圖

為楊山圩近山圩河駝圩三圖白池圩張家圩楊家

圩四圖通三十圩太公圩朱村圩施何徐陳圩獨

壩圩長田圩靈芝三圖柴家圩廟前圩茅塘圩新壩

圩石家白洋圩圖五 嚴家圩陳家舍圩白考老圩低

窪圩趙老圩六公塚圩塘港圩長墓圩家後圩庵

前圩南何家圩北何家圩淡田圩圖五 村東圩村

西圩小徐圩撥草圩莫壩圩村前圩百畝圩南岸

圩馮兩圩四百畝圩圖二 老婆灣圩八十畝圩金家

圩龍蕩圩徐家圩前何家堰圩黃家墓圩前沈圩

白蕩圩坐村圩夏村圩徐家後圩徐家中圩圖三

十六圩耆老 褚壩圩小黃圩靈芝三都八圖合調

一人掌之 古埂圩大馮圩小馮圩十四圖之大羅圩樓真圩

蔣公圩外十六圖之白池圩西沈圩家西圩家東 為陸村圩王公圩三塔圩調露 護

錢塘縣志 紀疆

塔圩箱望圩小馮圩盛陳圩圖八 錢村圩汪家圩查

家圩西沈圩圖九 為東沈圩西沈圩廟西圩通十一圖

圩耆老一人掌之 張海圩陶家圩調露 後王圩南王圩三

埂圩董家圩盛家圩大灣圩耆老一人掌之

東南區為古埂圩調露 俞家圩圖二 曹公圩圖三 大徐

圩沈村圩圖四 小陳圩草田圩江家圩浦小圩圖五 西

莊圩破羅圩朱阮圩浦小外圩小陳村圩七圖合

圖二圖保安一圖三圖北良一圖二圖 清沙圩河

西圩新塘圩聖堂圩壩西圩城北 大街圩妙行圩

觀音圩圖二 保定圩往生圩金沙圩柳林圩尉司圖下

古蕩灣圩王婆圩資家圩坦圩新塘村圩前村圩

白蓮圩豐樂圩和尚圩四圖保定圩永興圩小登圩

毛婆圩丁家圩射家圩靈峰圩周家圩茹觀圩白

蓮圩五圖合保安二圖松盛一圖二圖南壁一圖

二圖馨如豐甯之地蕩通三十一圩耆老一人掌奇零區為楊塘圩楊塘小圩狹塔圩沿塘

小圩長港圩鄭家圩盛家圩北角圩蔣公圩欽賢一圖

沈家圩章家南圩章家北圩曹將圩蕭家南圩蕭

家北圩草塘圩西葫蘆圩二圖葉家圩蔣村圩南莊

圩千金圩三圖鍾家圩女兒南圩石坎圩四圖西丁圩

東丁圩韓圩錢村圩五圖五丈圩范家圩龍圖圩龍

錢塘縣志 紀疆

十四

六圖圖外南圩寡山圩杜社圩東蘇家圩西蘇家圩

七圖湯家圩沈冠子圩八圖通三十八圩耆老一人掌之五丈西圩

五丈西中圩五丈西南圩五丈東坦圩五丈西小

圩方家灘坦圩欽賢九圖新壩圩濮家灘坦圩濮家西

坦圩十圖百畝圩余家大圩余家小圩余家北小圩

東曹婆圩西曹婆圩楊家坦圩韓家坦圩龍舌圩

十一圖楊府大圩楊府東圩楊府西圩神僊宮圩神

僊宮小坦圩神僊宮大坦圩十二圖僊林圩獨壩圩

大牛經圩小牛經圩牛經西圩荆山西坦圩荆山

東坦圩新壩圩慈勝圩潘圩十三圖古塘坂圩十四圖合



長壽一圖二圖六圖之零田  
通三十五圩耆老一人掌之

論曰綜錢塘疆理而四分之市居者一山居者一鄉居者二山無田市無農上下鄉稍治農時和年登亦僅給本鄉而止矧上鄉負山溯江地高而瘠恒苦旱下鄉當苕水下流窪而鹵恒苦潦戊申夏五大雨月餘南湖既決太湖不洩欽賢履泰滙爲巨浸余親詣其處審畜洩之宜乃知田南湖者餘杭數十人之利濬南湖者餘杭十六里錢塘四十里之利且非獨於二邑也水經苕溪必匯具區觀察陳公所稱錢塘喉吳興腹不朽論也敢私識之

錢塘縣志

紀疆

十五

而附南湖考於遺文俾司疆者得審擇利害焉

河梁

郡城大河橋舊為鹽河自鳳山水門北至武林水門為

橋凡二十有四隸錢塘者十有四曰錦雲橋宋名

安和橋元名聖安寺州橋舊府治在黑橋通江橋望僊

橋新宮橋舊名宗陽宮三聖橋舊有三聖廟佑聖觀橋今呼為鐵

佛榮府橋宋榮王府在橋東柴塚橋清泰橋舊名薦積善橋

俗呼回豐樂橋此橋北屬仁和新

小河舊為市河自鍾公橋西轉北至武林水門為橋凡

二十有五隸錢塘者十有五曰鍾公橋東與新官橋大河通

清泠橋熙春橋灌肺橋金波橋普濟橋寶祐橋巧

錢塘縣志 紀疆

十六

兒橋今廢亨橋今廢平津橋俗呼貓兒舍人橋今廢方便橋永

清橋日新橋芳潤橋舊名炭此橋北屬仁和南屬錢塘

西河舊為清湖自華光廟後北轉東至眾安橋為橋

凡一十有七隸錢塘者八曰普濟橋上有華光廟施家

橋舊龍翔宮後侍郎橋宋侍郎簡居此三橋軍將橋曲阜橋在河

西跨街西湖水由此入西河施水坊橋井亭橋此橋南屬錢塘北屬仁和

入湧金門東至轉運橋其南府治宣化橋河盡處

東行至流福橋北會出三橋河兩帶為橋凡七日

湧金橋運司後水轉運橋舊名渡子永安橋如意橋臺

後橋宋御史臺御木龍橋又名太常後已上惠僊橋自湧

金橋來至此入三橋河舊  
名金文在宋金文酒庫

府治宣化橋河盡處

東行至流福橋北至轉運橋與湧金門河合同入

三橋河為橋凡八曰宣化橋俗呼懷來橋戒子橋舊慈幼局

樓店務橋流福橋舊名開兒頭定安橋入府學凌雲橋舊名

凌家福甯橋舊名福壽東達油車巷今入織染局轉運新橋入運司

東運河舊為菜市河入艮山水門而南至斷河頭為橋

凡一十有二隸錢塘者九曰泥橋橫河第二橋俗呼

東橫河第一橋俗呼西橫河以上涓祐橋春熙

橋今名安樂橋平安第三橋俗呼豆平安第二橋

俗呼豆平安第一橋俗呼豆入候潮水門北轉

錢塘縣志 紀疆

西達通江橋為橋凡五曰諸家橋保安閘橋保安

橋水門橋普濟橋舊名過軍

橋下不通舟楫者凡十曰蒲曰升僊曰小永安曰

石曰阜民曰紅蓮花曰白蓮花曰珍珠曰青龍曰

雲涇

城外弔橋曰普濟橋候外潮門渾水閘橋跨浦橋通浙江與

渾水閘普濟二弔橋相連正陽門外沿河曰蕭公橋外橫河

橋裏橫河橋已上城下隅梁家橋諸家橋美政橋洋洋

橋海月橋化仙橋舊抽分木橋人多溺死有小橋

龍山上閘大橋進隆橋夏郎橋獲蒲橋楊婆橋通徐

南村以北 沿江曰徐村橋 牌山橋 范村橋 上諸橋

僧一曰大朱橋 萬麻二十四年 梁婆橋 凌家橋 已上

驛錢塘門外沿湖曰石函橋 放生亭 溜水橋 霍

西路九曲昭慶橋 通舊丸城小昭慶 昭慶廣濟橋 昭慶

羊坊橋 石函橋 北已斷橋 一名孤山路 橋 涵碧橋 孤

路中宋轉運 處士橋 在孤山 西泠橋 孤山 西舊 映波

橋 西通赤 鎖瀾橋 西通小麥 望山橋 通蘇隄南頭西

壓隄橋 西通茅 東浦橋 西通新隄院 跨虹橋 西通 耿

映波而下 橋即 袁公橋 舊先賢 小新隄橋 新增錦 沿

溪曰東行春橋 宋鞠院 西行春橋 九里 集慶寺橋

錢塘縣志 紀疆 十八

集慶寺北 合澗橋 飛來峰 回龍橋 飛來 瀑雷橋 冷泉 歸

隱橋 龍井東坡 孝義橋 麥嶺 新河橋 麥嶺 善安橋

永安橋 永福橋 並麥嶺 雙井橋 丁家山橋 惠因橋

寺前麗 丁家山小橋 茅家 飲馬橋 長橋 淨慈寺 東渡

茶亭在孫隆助建 清化橋 錢塘門外 相國井橋 湧金 流

福橋水路橋 清波 錢塘門外沿山古宕曰顯應觀

橋策選寨橋 教場橋 並昭慶 崇福橋 教場 保安橋

霍山 小溜水橋 舊精進 沈家場橋 溜水橋 安民橋

沈家場 古塘橋 西堰橋 方公橋 古塘 上泥橋 下泥

橋八字橋 西馬 西隱橋 即烏盆橋 又名 馬軍橋 閻

家橋崇壽橋羊角惠安橋古塘步人橋羊角試院

大通橋王家橋舊試院前道院橋東院清水橋西院西

觀音橋惠安橋以上西湖南北西山沿城北武

林門外曰新河橋陡門橋上閘橋中閘橋下閘橋

中下二橋今廢浴室橋武林門外西江漲橋賣魚橋米市橋黑

橋米市裏採蓮橋麻線巷塘家橋一名壽安范婆橋左

家橋舊志作佐寶慶橋望佛橋左侯祠東南歸錦橋左家

板橋去城北萬年橋宦塘橋去城北良畝橋俗呼

墩良渚橋已上武林門外大河西新橋觀音橋吳家橋楊家

橋女兒橋蔣公橋老人橋已上餘杭塘河岸

錢塘縣志 紀疆

上四鄉曰三子橋崇明橋吳橋葉婆橋永慶橋定

山橋已上定北無私橋安吉鄉橫溪橋邵家橋雲洞橋

周家橋姜婆橋六畝橋杜家橋沈扑橋柴家橋長壽鄉

下四鄉曰楊家橋馮家橋東石橋章家橋全家橋

中五郎橋鍾家橋仰家橋金四媽橋鄭家橋葛家

橋荆山橋姨娘母橋道人庄橋欽賢鄉毛家橋保安

橋履泰鄉印墓橋康家橋浦家橋余家橋祥符橋護

塔橋相望橋古路橋東橋西行橋破塘橋卸子橋

大港橋興福橋下可橋安橋調露鄉東陳橋白陳橋

後陳橋吳家橋良犬橋傅家橋新橋靈芝鄉化灣橋

長明橋興福橋萬慶橋杜甫橋七賢橋王家橋蔡

家橋塔橋山西橋北沈橋義和橋和樂橋八字橋

章家陡門橋舊人橋官柵橋老人橋李墓橋斷橋

新橋廟橋馮家橋曹家橋草鞋橋太僕橋具家橋

一郎橋太平橋和藏橋楊家斗門橋曹家斗門橋

觀音橋崇化八下安溪廣濟橋孝女鄉北

塘附黃濮塘崇化靈芝五圖間下新塘南接黃上墟塘

在女南二圖陵林塘西接上墟塘楊山塘西在西南

西接下新塘西接上墟塘楊山塘西在西南西塘在崇化捍江

錢塘縣志 紀疆

塘在城南沿江起

開附化灣陡門開在崇化七都北接上墟塘為勢

奔激垂成已酉八月老先水衝壞仍修之黃汝亨為

記安溪陡門開在北對安溪鎮西開在湖上赤山步西

今南開在城西今廢保安開在西保安三圖外諸家清

水開清水開在候潮門外城下渾水開在城南

圖蕭公橋南跨浦開在城南下龍山上下二

開在柵外龍山口清湖上中下三開在武林門外

仁和一石函三開在西湖北尉陡門開在定北鄉

都鄰同子大成重灌田

葛廷祿同子大成重灌田

數十頃又有韓家開近廢

論曰杭州襟江帶河北抵燕而南際閩在城諸河  
僅若澮瀆取行水道而已舟航鱗次信宿不達以  
故水輸陸產輻輳而至者皆以湖墅江干爲市城  
空無儲識者憂之欲濬廣城河移市入郭而形家  
者曰杭城水皆西北下流所恃稍瀦以畱王氣開  
通則無瀦矣於是復有湖墅築子城包絡市河之  
議亦頗可采顧非常之原難與慮始儻不憚營繕  
而擇其便利植之使夫京坻露積緩急不匱亦百  
世之慮也

田賦

戶 三萬九千五百七十八戶

丁口 碑額五萬二千五百五十五口冊存五萬一千

九百零半口內有老幼殘疾婦女寄庄共二千九

百四十四口半止納坐派里胥因緣為好萬厯三

十三年心湯通冊查參除免每除五口補壯丁一

凡補六百二十四丁通計實在壯丁四萬九千五

百八十丁視原額除免六百七十五口外而丁銀

視舊額增二百四十四兩五錢六分五釐市民一萬一千

二百四十四口每口額徵銀二錢二分六釐九毫

錢塘縣志 紀疆

民三萬八千三百七十六口每口徵銀二錢四分

二毫徵米二升四合七勺 例免七千五百五丁

市丁徵銀四分一釐四毫鄉丁徵銀六分四釐七

每丁徵銀四分三釐三毫

田 碑額二千六百一十頃八十四畝二分九釐

三毫二絲二微冊存二千五百九十九頃九十九

畝九釐七毫有奇萬厯三十三年參查實在二千

六百一十四頃五十五畝二分六釐一毫有奇

二千四百七十五頃九十六畝九分五毫有奇每

二銀六分七釐八毫六分六釐四毫有奇每

頃四十三畝六釐四毫有奇每

銀七分八釐三毫七毫六分三釐二毫有奇每

每畝銀三分八釐一毫七毫六分三釐二毫有奇每

沙田四分十二分一毫八旗功田七分九畝二分毫八釐奇每



畝銀一分  
七釐八毫

地 碑額一千六十八頃三十二畝四分九釐一

毫三絲二忽二塵册存一千三十八頃九十二畝

一分三釐有奇萬厯三十三年參查實在一千六

十二頃六十六畝三分四釐三毫有奇

徵地一千二十四頃

二十七畝七分五釐有奇每畝銀四分二釐二毫

米三升七合一勺折地二十七頃五十畝四分

一釐八毫有奇每畝銀四分八釐

頃一十四畝二分七釐三毫有奇每畝銀三分三

釐五毫 旌功地一頃一十三畝

八分一釐八毫每畝銀六釐四毫

山 碑額二千四百七十五頃七十畝九分五釐

四毫四絲四忽册存二千二百四十頃九十五畝

二分五釐二毫有奇萬厯三十三年參查實在二

千四百七十四頃三十三畝四分六釐一毫有奇

土山一千四百八頃一十八畝七分三釐九毫有

奇每畝銀八釐六毫三合五勺 石山六百一

十八頃七畝六分二釐九毫有奇每畝銀二釐四

毫米三合五勺 告折山四百四十六頃七十六

畝四分五釐四毫有奇 旌功山二頃四十一畝二釐

山每畝四釐四毫 旌功山二頃四十一畝二釐

奇有

蕩 碑額二百八十八頃六畝九分九釐六毫册

存二百八十九頃八十二畝四分六釐一毫有奇

萬厯三十三年參查實在二百九十二頃一十九

畝六分五釐九毫有奇

錢塘縣志 紀疆

畝銀三分四釐一毫米三升 旌功  
蕩七十五畝四分九釐每畝銀一分

基地 碑額二十七頃八十八畝四分二釐五毫

七絲五忽册存二十八頃一十七畝七分二釐有

奇萬麻三十三年參查實在基地二十八頃七十

八畝四分一釐六毫有奇 徵基地二十七頃八十

奇每畝銀八分五釐米六升六合七勺 旌功 已

上參查實在田地山蕩基地六千四百七十二頃

五十三畝一分四釐二毫有奇視原額多五頃四

分有奇除抵補豁免坍江田地蕩三頃九十八畝

四分有奇外田賦視舊額增一頃七畝零賦亦有

錢塘縣志 紀疆

羨

通歲制入米麥二萬三千二百六十石一斗四升

有奇 制出京倉 正耗米一萬九 廣運倉 改兌正

千一百五十 廣積倉 麥一百四十三石 廣豐倉 孤

七石八斗 六斗六升有奇 額缺補以鄉民口米

口糧秋鹽糧餘米二千二百 額缺補以鄉民口米

制入條編銀三萬二千三百七十兩六錢九分有

奇 年額增入條銀二千二百二十六兩七錢二

分有奇正額新增共該三萬四千五百九十七兩

四錢一分有奇 制出稅糧兵餉驛傳馬價 京庫

麥 折絹絲綿織染局絲資盈庫鈔廣積倉

三六輕賈正改兌項下蘆蓆正耗米兌

軍行糧倉楞木松板嘉興江解米甯波工充河

米廣豐倉孤鐸秋鹽官俸金白糧米甯波工充河

派兵餉千驛十傳銀馬價分有奇銀額辦筆銅管加倉

鐵線蔗貓紫竹三硝鹿皮兩藥材二分有奇絃條

坐辦牲口漆菓木料臘茶司工筭料麻日紙料

共銀一千四百七十奇辦廟聖行節祝壽鄉朝賀給由謁

上祭祀遷冬署修理鋪設儀仗卷箱紙割心紅委

官水陸鄉會文武科舉生儒考試給部運柴

布軍器費帶徵鈔生戰船試草蕩孤老雕

填匠募夫募役輪房書手傘馬匹織造

担工預備雜用預募優免房總府傘附織

府心紅解扛水手共銀六千七百徭役解京富兩關

百三十二兩一錢六分有奇徭役解京富兩關

餉子隸水兵民壯等工食鹽鈔通共銀七千三

門附載織造府門阜隸本府充餉鋪兵巡道充

費手役等工食府門阜隸本府充餉鋪兵巡道充

水夫役等工食府門阜隸本府充餉鋪兵巡道充

首健步弓兵鋪兵解戶縣學新官家伙歲貢路

各司道運府衛縣學倉稅鋪司各署門子阜隸

各道運府衛縣學倉稅鋪司各署門子阜隸

錢塘縣志紀疆

額外胖襖九銀五百二十五年一徵一兩六錢

十兩三徵餘多丁銀除增民壯二十名工食一百四

十四兩外銀一百兩零五錢六分有奇存補每年

備用不敷之數係三十三年心湯參出

帶徵安溪奉口稅課局三鈔折銀一百二十九兩

奇西溪稅課局錢鈔六折銀一毫有奇兩五

河泊所折課銀鈔

六十七兩七錢九分五釐二毫有奇漁課魚膠翎羽折錢銀二十二兩五錢八分三毫有奇遇

閩俱加額

論曰嘗攷往牒戶口登耗土田贏縮大都十年一小變易世一大變自條編法行制始畫一其有未一者則丁口之有壯而又有老有弱有殘疾婦女寄庄也田土之有民而又有竈有祭有學有旌功有告折也賦有額碑而又有坍江缺額與河工兵餉鹽糧帶徵之歲減歲加也存留米麥有折色又有本色也心湯稍為參畫稟於一成蠲繁芟苛勒為四限通列由票家諭戶曉庶塞狡窟之多歧實乃拙者之為政云爾至於為陵為谷地道固然歲有豐嗇政有撫脍則登耗贏縮實關國脈天人參矣前此之變不勝攷後此之變不勝窮茲不具紀紀其見行畫一舉矚可竟者為田賦要刪焉

物產

穀之屬凡六曰稻有稭黍有白黑稷有黑黃麥有稭四

菽豆也有十三黃白赤青麻有胡

蔬之屬凡三曰園蔬有瓜葫蘆王瓜菜瓜冬瓜菜絲

油菜甜菜生菜莧菜冬菜蒿菜薑心矮黃矮青波

筍木澤蔬有白芹苳野蔬有蕨蓬

果之屬凡四曰園果有桃榴李橘棗銀杏胡桃梅杏

瓜柿枇杷楊梅林禽櫻山果榛有五櫨栗榲桲澤果菱有七

桃蒲萄香芋落花生

藥之屬凡四曰草部有冬荆芥薄荷紫蘇草烏頭麥

錢塘縣志 紀疆

白芨百合豐粟殼香附子續隨子車前子何首烏

牽牛躑躅花惡實劉寄奴紫苑草決明青箱子甜

葶藶天花粉瓜蔓地榆半夏香薷玄參火麻子旋

覆子鳳眼草貫眾菟絲子苧麻子茴香蒼耳子大

花菖蒲益母草充蔚子乾薑大黃蛇牀子艾葉菊

精鬼箭覆盆子藜蘆白鮮皮馬兜鈴威靈天南星黃

稀簽草見腫消蒲公英羊躑根腸菴年潤枯斷

金銀花木部有實十山枳椇子枸杞地骨皮莢石部

穀精草有實十山枳椇子枸杞地骨皮莢石部

織之屬凡二曰卉織有布綦綿布苳布麻布葛絲有七

綾羅紵絲有縵縵縵縵木之屬有榆槿漆十楮柘柏檜松梓桐椿楠槐桂檀櫻

冬青 阜筴 肥阜 集柳 白棗 黃楊 桐青 神鳳 柳楊 檉

竹之屬 凡二曰大竹 有十竹 茅竹 剛竹 金竹 晚竹 早竹

小竹 有十一竹 紫竹 淡竹 木竹 石竹 水竹 文竹 武竹

花之屬 凡三曰園花 有五十種 犀蜀 葵丹 芍藥 紅梅 臘

秋海棠 長春薔薇 醉棠 棣紫 荆 迎春 紫薇 千葉

桃夾竹 郁李 木筆 瑞香 丁香 茉莉 舜水 仙丹 凌霄 蝴蝶

蝶金 夜合 石菊 石竹 蘂玉 芙蓉 鳳仙 山丹 凌春 羅

剪秋羅 錦帶 山茶 笑滴 金密 山花 有九種 野菊 映山 紅

棠金 燈澤花 有四種 蘋蘆 山花 有九種 野菊 映山 紅

草之屬 凡二曰陸草 有二十種 麻 八木 葛 芎 黃 蔘 孔

夾麥 青燈 心莞 獨 慎 火 萬年 青 芭 蕉 雞 腳 草 鈹

兒草 雪裏 青金 絲草 金釵 草 毛 藤 老 芭 蕉 雞 腳 草 鈹

貨之屬 凡三曰食貨 有七種 麩 鹽 醋 茶 蜜 服貨 有二種 用貨

有四五種 蠟 紙 革 角 金 銀 箔 錫 箔 金 條 瓦 金 胭

脂鉛粉 燈香 石灰 薪 瓶 罌 甕 缶 刀 扇 像 生 花 法 朗

器皿 傘屐 轎鞋 鞞 巾 帽 梳 刷 櫻 套 燈 燿 櫻 裙 雨

衣琴瑟 簫管 鏡鼓 爐 圖 畫 籍 套 古 董 諸 具 雨

羽之屬 凡三曰家禽 有十四種 鷺 鴨 鷓 鴒 野禽 有十五種 鴉

鷓鴣 雀鵬 鶯燕 畫眉 杜鵑 鸚鵡 百舌 翠青 山鵲 天

鷄山 鷄戴 勝鶴 鵲 鵲 鵲 鵲 鵲 鵲 鵲 鵲 鵲 鵲 鵲 鵲 鵲 鵲

姑惡 相思 白 水禽 有十種 鸞 鷓 鷓 鷓 鷓 鷓 鷓 鷓 鷓 鷓

頭公 婆餅 焦 水禽 有十種 鸞 鷓 鷓 鷓 鷓 鷓 鷓 鷓 鷓 鷓

毛之屬 凡二曰家畜 有九種 豕 狗 犬 貓 驢 騾 野畜 有七種

鹿麋 麇 鹿 兔 狐 獾 獺 猴 野豬 豪豬 豺 狼 獺

鱗之屬 凡七曰池魚 有五種 鱈 鮎 鱧 鱖 鱉 鱉 鱉 鱉 鱉 鱉

錢塘縣志 紀疆 一二十八



玉潤映清渠，懿此柔嘉獨。可茹卻笑，晉人徒博。似  
 止方羊酪，並鱸魚。張文穎詩：二首碧蔭，隨波凝。物  
 玉瓊枝映水，滑如酥。不妨采作，眞人供。一夜春風  
 偏兩湖，嫩葉如錢。不解分柔絲，繫水謾成紋。盤  
 中苜蓿香，細綠生春。翠帶牽絲，出鳴鶴。西湖採  
 蓴詩：渚蓴早，喜逢令節。羞頻自憐，藿食鹽淡。誰  
 羨歸興，早喜逢令節。羞頻自憐，藿食鹽淡。誰  
 津凌棹，尋花滿。蘇堤人滿，採蕪時。值陽天，漫  
 移短棹，隱似逐佳。柳拾翠，鈿香蘊。和羹舒雉  
 尾脂凝，細葉舉。龍涎浮湖，上風光。兩處分向，秋風  
 怨未還，虞眞詩。四首：湖上風光，兩處分向，秋風  
 影自爲羣，龍鬚冷滑。是春寒，轉佳。淺翠翻風攢  
 波沈蕩，映飛花。正深寒，轉佳。淺翠翻風攢  
 紫玉纖莖，織水曳青霞。計斛何曾，日食謾論。錢  
 冰珠顆圓，歲飲珠璣甯。計斛何曾，日食謾論。錢  
 秋前春後，西湖上去。挽斷靈泉，五色絲。蕤

成化十年間定土貢額  
 密陀僧 一十  
 甜葶藶 十一

錢塘縣志 紀疆

三十

二金箔 三十貼  
 山梔子 一百一十  
 弓 二百七  
 銀箔 三十貼  
 箭 二千五百枝  
 弦 八千三百條  
 雜色毛皮 一千二百張  
 翎  
 毛 六萬九千六百七  
 鹿 一隻  
 兔 二十隻  
 班鳩 七隻  
 本縣  
 屬河泊所帶辦翎毛 三萬四千七百  
 魚鰾 一百八十八錢  
 分五雞八野味改牲口同果品于坐辦徵藥材于額  
 辦徵雜色毛皮改胖襖褲鞋弓箭弦條改辦物料  
 俱於額辦徵紵絲紗羅紬改織染局督造於坐辦  
 徵魚鰾翎毛於各稅課河泊所徵  
 論曰入錢塘境城內外列肆幾四十里無咫尺甌  
 脫若窮天罄地無不有也及徐而叩所產物又無



一有也卽有之大都耳目恒品亦窳雜未甚良方  
晨已集終西囂呼五方輻湊無窳不售蓋物盛所  
聚何必自其地產哉古者任土作貢非貴異物卽  
會稽竹箭業已奇貨可居顧安得瑤琨織貝而稱  
之惟是龍井茶西湖蓴差強人意曝背芹子以獻  
至尊區區之意然已疎矣成化之役先規簿正附  
辦三徵政同塵市之征烏在任土之義往牒所陳  
未敢剗落倘按籍入肆將無謂我張楚乎

懷希